

## I. DISPOSICIÓNS XERAIS

### CONSELLERÍA DO MEDIO RURAL

*Decreto 295/2008, do 30 de decembro, sobre a aplicación durante o período 2008/2009 do sistema de retencións á conta previsto no Decreto 158/2007, do 21 de xuño, polo que se regula en Galicia a aplicación do réxime da taxa láctea.*

O Decreto 158/2007, do 21 de xuño, regula en Galicia a aplicación do réxime da taxa láctea e, consonte o previsto na normativa básica estatal, prevé no seu artigo 28 a obrigatoriedade das persoas compradoras de leite autorizadas de efectuarlles ás persoas produtoras que superen a cantidade de referencia individual asignada, retencións á conta da taxa láctea, para o que se establece, no artigo 29, a declaración e o pagamento das ditas retencións por parte das persoas compradoras autorizadas.

Con base na produción e comercialización dos últimos dous períodos de taxa e no incremento da cota láctea asignada para o período 2008/2009 e seguintes, que permiten prever un equilibrio no período 2008/2009 entre entregas de leite e cantidade de referencia asignada, o Real decreto 1613/2008, do 3 de outubro, sobre aplicación durante o período 2008/2009 do sistema de retencións á conta previsto no Real decreto 754/2005, do 24 de xuño, polo que se regula o réxime da taxa láctea, durante o período de taxa 2008/2009 (BOE do 6 de outubro), establece para o dito período unha aplicación singular do sistema de retencións á conta previsto no Real decreto 754/2005, do 24 de xuño, polo que cómpre, de acordo coa dita norma básica estatal, adaptar, para o período 2008/2009, o previsto no Decreto 158/2007, do 21 de xuño.

En consecuencia, por proposta do conselleiro do Medio Rural e logo de deliberación do Consello da Xunta de Galicia, na súa reunión do día trinta de decembro de dous mil oito,

#### DISPOÑO:

Artigo único.-Aplicación do sistema de retencións á conta no período de taxa 2008/2009.

De acordo co disposto no Real decreto 1613/2008, do 3 de outubro (BOE do 6 de outubro), durante o período de taxa 2008/2009, as retencións á conta previstas no Decreto 158/2007, do 21 de xuño, polo que se regula en Galicia a aplicación do réxime da taxa láctea, só se aplicarán ás persoas produtoras de leite que se atopen nalgunha das situacións seguintes:

a) Que dispoñan dunha cantidade de referencia individual igual ou inferior a 200.000 kg e as canti-

dades entregadas superen a cantidade de referencia dispoñible, incrementada nun vinte por cento.

b) Que dispoñan dunha cantidade de referencia individual maior de 200.000 kg, pero menor ou igual a 300.000 kg, e as cantidades entregadas superen a cantidade de referencia dispoñible incrementada nun dez por cento.

c) Que dispoñan dunha cantidade de referencia individual superior a 300.000 kg e as cantidades entregadas superen a cantidade de referencia dispoñible incrementada nun cinco por cento.

#### *Disposición derradeira*

Entrada en vigor.

Este decreto entrará en vigor o día seguinte ao da súa publicación no *Diario Oficial de Galicia*, e será aplicable desde o 1 de abril de 2008.

Santiago de Compostela, trinta de decembro de dous mil oito.

Emilio Pérez Touriño  
Presidente

Alfredo Suárez Canal  
Conselleiro do Medio Rural

## III. OUTRAS DISPOSICIÓNS

### CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

*Corrección de erros.-Resolución do 22 de decembro de 2008, da Secretaría Xeral de Política Lingüística, pola que se anuncia a convocatoria de axudas para financiar proxectos de fomento do uso do galego dos equipos de normalización e dinamización lingüística dos centros de ensino privados de Galicia que imparten ensinanzas regradas de niveis non universitarios, para o 2009, curso escolar 2008-2009 (PR101A).*

Advertido un erro na Resolución do 22 de decembro de 2008 pola que se anuncia a convocatoria de axudas para financiar proxectos de fomento do uso do galego dos equipos de normalización e dinamización lingüística dos centros de ensino privados de Galicia que imparten ensinanzas regradas de niveis non universitarios, para o 2009, curso esco-

lar 2008-2009 (PR101A) (DOG número 2 do 5 de xaneiro de 2009), cómpre realizar a seguinte corrección:

Na páxina 104, base décimo sexta, parágrafo 2, onde di: «ano 2008», debe dicir: «ano 2009».

Nota: a publicación desta corrección non reabre o prazo de presentación de solicitudes.

*Resolución do 30 de decembro de 2008, da Secretaría Xeral de Política Lingüística, pola que se convocan as probas para a obtención dos certificados de lingua galega, niveis Celga 1, 2, 3 e 4, no ano 2009.*

De acordo co previsto no artigo 7 da Orde do 16 de xullo de 2007, da Consellería de Presidencia, Administracións Públicas e Xustiza, pola que se regulan os certificados oficiais acreditativos dos niveis de coñecemento da lingua galega (Celga), publicada no DOG número 146, do 30 de xullo, logo da proposta formulada pola Comisión Central de Avaliación, convócanse as probas para a obtención dos certificados de coñecemento de lingua galega Celga 1, 2, 3 e 4.

#### 1. Obxecto.

Convocar as probas para a obtención dos certificados acreditativos dos niveis de lingua galega Celga 1, 2, 3 e 4, no ano 2009.

No ano 2009, realizaranse 3 convocatorias:

-Convocatoria de maio de 2009, para Galicia, resto do Estado español e Europa.

-Convocatoria de outubro de 2009, especial e única para América.

-Convocatoria de novembro de 2009, para Galicia, resto do Estado español e Europa.

#### 2. Destinatarios.

As persoas maiores de 16 anos ou que os cumpran antes de finais do ano 2009, nacionais ou estranxeiras. Coa solicitude deberán presentar copia do DNI, pasaporte ou documento de identidade vixente.

#### 3. Prazo de inscrición.

Para a convocatoria de maio de 2009: ata o día 25 de marzo de 2009 (inclusive).

Para a convocatoria de outubro de 2009 (só para América): ata o 30 de xuño do 2009 (inclusive).

Para a convocatoria de novembro de 2009: ata o día 12 de outubro de 2009 (inclusive).

#### 4. Datas de realización das probas.

Convocatoria de maio:

Celga 4: 23 de maio de 2009.

Celga 2: 24 de maio de 2009.

Celga 3: 30 de maio de 2009.

Celga 1: 31 de maio de 2009.

Convocatoria de outubro (só para América):

Celga 4: 7 de outubro de 2009, pola mañá.

Celga 2: 7 de outubro de 2009, pola tarde.

Celga 3: 8 de outubro de 2009, pola mañá.

Celga 1: 8 de outubro de 2009, pola tarde.

Convocatoria de novembro:

Celga 4: 21 de novembro de 2009.

Celga 2: 22 de novembro de 2009.

Celga 3: 28 de novembro de 2009.

Celga 1: 29 de novembro de 2009.

Se o número de aspirantes non permitise rematar as probas orais no día sinalado nesta resolución, a comisión de avaliación continuará con elas no día seguinte.

#### 5. Lugares onde se van realizar as probas.

En Galicia, as probas realizaranse nas seguintes localidades: A Coruña, Santiago de Compostela, Lugo, Ourense e Vigo. As persoas interesadas deberán sinalar na solicitude de inscrición a localidade na que se van presentar.

Fóra de Galicia, realizaranse nas localidades en cuxas universidades haxa centros de estudos de galego ou outras entidades coas que exista convenio para actuar como centros examinadores.

No Estado español: Barcelona, Bilbao, Cáceres, Granada, Madrid, Salamanca, Vitoria e Alacante.

En Europa: Berlín, Heidelberg, Kiel, Trier e Tubinga (Alemaña), Helsinki (Finlandia), París (Francia), Budapest (Hungría), Cork (Irlanda),